


W. Jackson

1879







1539

Des durchleuchtigen  
hochgebornen Fürsten vnd  
Herrn/herrn Hainrichen  
Hertzogē zu Sachsen  
2c. Beuelch / das  
Euangelion be-  
langend.



© 1811

Printed by J. G. Smith, No. 10, St. Paul's Churchyard, London.

For sale by the Author, at No. 10, St. Paul's Churchyard, London.

Price 1s. 6d. per Volume.

Vol. I. 1811.

Vol. II. 1812.

Vol. III. 1813.

Vol. IV. 1814.

Vol. V. 1815.

Vol. VI. 1816.

Vol. VII. 1817.

Vol. VIII. 1818.

Vol. IX. 1819.

Vol. X. 1820.

Vol. XI. 1821.

Vol. XII. 1822.



# **I**n Gots gnade Wir Hainrich Her-

zog zu Sachssen / Landtgraff inn  
Düringen / vnd Marggraff zu Meyssen. Fügen  
allen vñd yeden / was wurden / Standes oder  
wesens die sein / vnsern verwanten / vnterthanen /  
vñ lieben getrewen hiemit zu wissen. Nach dem  
Wir / aus GOTTIS gnaden / zu erkentnis seines ewi-  
gen seligmachenden worts komen / So erkennen  
Wir vns schuldig Gott vmb solche gnedige erzai-  
gung vnd wolhat / mit rechtem gemüet vnd her-  
zen zum höchsten danckbar zusein / vnd sein Göt-  
liche ehr vor allem zusuchen / Auch demnach sein  
heiliges ewiges Wort / vñ rechte raine Christliche  
lere / inn vnsern Landen / zu vnsern vñ vnser vnter-  
thanen Seelen heyl auffzurichten / Widerumb  
auch allen irthumb vnd Mißbrauch / so mit vns  
rechter / vnwarer vñ vngötlicher lere / sonderlich  
der Bebstischen Messen halb / vnd mit raichung  
des Sacraments inn einerlay gestalt / wider Göt-  
liche einsetzung eingerissen / nider zulegen vnd ab-  
zuthun. Haben derhalben etliche Prediger vnd  
verkündiger des Götlichen worts / verordent / so  
vil Wir der inn eile / vnd bißher darzu täglich vñ



geschickt / haben bekommen mögen / dasselb dem  
Volck zu heylwertigem trost / lautter vnd rein für  
zutragen / Vnd das hoch würdige Sacrament / in  
baiderlay gestalt nach Göttlicher einsetzung zurai-  
chen / Auch den irthumb vñ die Mißbreuche des  
Babstums / durch Gottis wort / dem Volck mit  
fleyß zuerkleren / dasselb dadurch zu rechter erkent-  
nis Göttlicher warhait zu leyttten. Darzu haben  
Wir auch ein Visitation verordent / angezaigte  
versführung vnd Mißbreuche nider zulegen / vnd  
Göttliche rechte lere vñ Ceremonien in Göttlichem  
wort ergründet / auch Christliche Kirchen orde-  
nungen / aufzurichten.

Nach dem Uns aber glaubwürdig anlanget /  
das / vnbedacht solcher gnadenreichen heimsuch-  
ung Gottis des Allmechtigē / die er der Welt / auch  
Uns vnd vnsern Landen / inn disen letzten zeitten  
so reichlich vnd gnedigklich mit verleyhung seines  
heiligen heylwertigen worts / erzeygt / etliche inn  
vnsern Fürstenthumben sein / vñ vermerckt sollen  
werdē / welche zu dem / das sie durch iren vnglau-  
ben / Gottis zorn vber sich verreizen / schimpflich /  
spötelich vnd lesterlich / von Gottis wort / vñ der  
lere / die Wir für Christlich / Göttlich / recht vnd  
war bekennen / reden / vñ andere güttherzigen dar-



durch ergern / auch dauon abzuhalten vnd abzu-  
wenden / sich vnterstehen sollen / Welchs Vns nit  
zuleyden noch zuredulden sein will. So wollen  
Wir hiemit einen yeden/ermant/auch ernstlich ver-  
warnt habē/das er sich hinfürder derselben seiner  
vngeschickten/schimpflichen/spöttlichen rede vnd  
lesterwort/ gantzlich enthalte/ Auch sich nicht vnt-  
erstehe/andere vom Gottis wort/vñ empfangung  
des Sacraments inn baidenlay gestalt/ abzuhal-  
ten / dieselbigen/ oder wie berürt/ dardurch zu er-  
gern.

Vnd begern hirauff an euch gnedigklich/auch  
ernstlich/ das jr vnserer Visitatorn verordnung  
vñ schaffung/die sie vnserer instruction vñ beuelh  
nach / gethan / vnd thün werden / inn allen vnd  
yeden puncten getrewlich vnd vestigklich handt-  
habet/ Auch güt auffmerckung thün/ vnd kundt-  
schafft legen lasset/auff die ihenigen/ so von disen  
Götlichen Sachen vñ verordnungen/sort mehr  
mißbreuchlich/schimpflich/vñ ergerlich zureden/  
auch andere gütherzigen dauon abzuhalten / sich  
vnterstehen werden/Vnd welche jr hirunter streff  
Ich werdet erfarn oder vermercken/dauon wöllet  
Vns erwer yeder/mit anzaigung irer Namen/auch  
der vmbstende irer gethanen rede vnd lesterung/  
fürderlichen bericht thün / Darauff wollen wir



Vns mit beuelh / derhalben also zuerzaigen / vnd  
wissen zuuernemen lassen / damit dieselbigen irer  
verwürckung nach / als Gottis vnd seines Worts  
lesterer / gebürlich gestrafft / vnd Vnnsers ernstlich  
mißfallen von menigklichen vermerckt sol wer-  
den / Vnd haben euch solchs nicht wöllen ver-  
halten / Es beschicht auch hieran vnser  
gengliche vnnnd ernstliche mainung.

Datū vnter vnserm aufgedruck-

ten Secret / zu Dreßden /

Montags nach Alexij.

Anno rc. xxxix.





Faint, illegible text, possibly bleed-through from the reverse side of the page.



Imm

DI 04

BR

358

52

146

1539

Howard FC



